

KrF kritisk til nye mål for landbruket

Medlemene i Møre og Romsdal Bondelag reagerer på stortingsmeldinga om framtida for landbruket.

- Blir det ikkje levelege vilkår for mindre og mellomstore bruk vil mange legge ned og store jordbruksareal gå tapt for matproduksjonen.

**BB - KJELL OPSAL
BB - REIDAR OPSAL**

Det seier Petter Arne Ekroll, dagleg leiar for Skodje Samdrift som seier dette til Bygdebladet.

I går var han saman med Mikal Skodjereite vertsskap for stortingskandidat for KrF, Steinar Reiten, nestleiar i Bondelaget, Gunnhild Overvoll og organisasjonsjef Arnar Lyche.

- Enorme areal vil gå tapt om mange små må legge ned

Petter Arne Ekroll i Skodje Samdrift redd for konsekvensane av stortingsmeldinga om landbruket

Dei blei vist rundt og informert om drifta ved samdrifta med 100 mjølkekyr.

Der blei det også lagt fram for Bygdebladet kritiske merknadar til stortingsmeldinga.

Reaksjon mot hovudmåla

- Vi reagerer særleg på hovudmål som konkurransemotivet og effektiviseringa, seier Gunnhild Overvoll. Dette vil gå på kostnad av mange andre ting som skal til for å bruke heile landet. - Går meldinga i gjennom og blir vedteken i Stortinget, betyr det stort tap for Vestlandet. Her

går det ikkje an å effektivisere meir. Konsekvensen blir nedlegging og attgroing, kommenterer Steinar Reiten.

Han er ein av dei som har engasjert seg i arbeidet til støtte for Bondelaget gjennom både fylkespartiet og inn mot KrF si stortingsgruppe.

Tilbake til Regjeringa?
Han er stemt for synet om at heile meldinga bør sendast tilbake til Regjeringa, men er ikkje sikker realismen i dette. Blir den behandla vert det kamp om innhaldet.

I stortingsmeldinga går Regjeringa for at verdikjeda i norsk jordbruk i større grad må tilpasses seg sterke konkurransen. "Næringa må bli mindre politisk styrt og meir forbrukar- og markedsretta."

- Ja, meldinga er så dårleg at den må tilbake til Regjeringa, slår organisasjonssjef Arnar Lyche fast.

Berre store bruk?

Det blir reagert mot at det er dei store brukene som blir

prioritert.
- Vestlandsbruka, små og mellomstore, må få eit inntektsløft. I staden legg Regjeringa opp til at markedskreften skal få eit fritt spel.

Som eksempel på det som gir negative konsekvensar nemner Reiten bortfall av transportstøtte.

- Det som er i ferd med å skje er eit fundamentalt brot på landbrukspolitikken i etterkrigstida.



Dagleg leiar etter Petter Arne Ekroll (t.v.) og Mikal Skodjereite (t.h.) i Skodje Samdrift hadde i går besøk i fjøset av stortingskandidat Steinar Reiten (KrF) og Gunnhild Overvoll nestleiar i Møre og Romsdal Bondelag for å diskutere landbrukspolitikk.

BYGDEBLADET 10. JAN 2017

Manglar strategi

I møtet hos Skodje Samdrift blir det vist til styrevædtaket i Møre og Romsdal Bondelag som omfattar jordbruksmeldinga.

Her blir det peika på at meldinga manglar strategi for effektivisering og at det blir lagt opp til sentralisering.

Optimismen ikkje borte

Men der er sett frå næringa si side lyspunkt og optimisme.

- Skodje Samdrift med 100 mjølkekyr driv bra økonomisk. Eit viktig pluss har vore kvoteauking og store etterbetalingar fra Tine. Det blei karakterisert som prisverdig at riksministrar som Steinar Reiten engasjerer seg.

- Optimisme er der, ja, og vi har

absolutt kjensle av å vere på offensiven, seier fylkesnestleia- ren.

Og organisasjonssjefen føyar til at Bondelaget er god på lobbyverksemid.

- Meldinga er ikkje noko å behandle, den må tilbake til Re-

gjeringa!